

四庫全書

子部

欽定四庫全書

子部

職官分紀卷四十三至五

詳校官中書臣沈鳳輝

侍讀臣孫球覆勘

總校官編修臣王燕緒

校對官中書臣徐秉敬

謄錄監生臣馬廷堃

欽定四庫全書

職官分紀卷四十三

都護

宋 孫逢吉 撰

前漢百官表西域都護宣帝地節二年初置以騎都尉
諫大夫使護西域三十六國有副校尉秩比二千石丞
一人司馬二人

應劭漢官儀西域都護武帝始開通西域三十六國其

後稍分至五十餘國置使者校尉以領護之三年改曰都護令戊己校尉領之

沈約宋書初漢武帝置西域諸國光武建武初始有督軍諸使至獻帝建安中魏武為相遣大將督之始號都督曹袁張楊之徒雖以三公假節領州郡然無都督之號三國時亦有都護左右護將軍兼諸將軍猶是舊制也

國朝有都護之名府進鎮戍並廢職歸州縣

六典大都護府大都護一人從二品副大都護一人從

三品副都護二人正四品上

漢宣帝時鄭吉為西域都護始立幕府都護之名自

吉始也至章帝時廢西域都護今戊己校尉領之魏晉之間有都護左右軍都護將軍之號遂廢都護之名皇朝永徽中始置安南安西大都護景雲二年又置單于都護開元初置北庭都護今有單于副都護長史

一人正五品上

漢宣帝置西域都護長史一人自後不絕今單于則不置

司馬一人

正五品下

漢武帝置護烏桓校尉護羌校尉各司馬二人元帝置戊己校尉亦置司馬一人皆都護

司馬之任也

錄事參軍一人正七品上錄事二人從九品上

功倉戶兵法曹參軍各一人並正七品下參軍事三人

正八品下

單于惟有
兵倉二人

上都護府都護一人正三品副都護二人從四品上長
史一人正五品上司馬一人正五品上錄事參軍一人
正七品下錄事二人史三人功倉戶兵曹參軍各一人
並從七品上叅軍事三人從八品上都護副都護之職
掌撫慰諸蕃輯寧外寇覘俟姦諂征討擒離長史司馬
貳馬諸曹如州府之職

威震西域

前漢宣帝時匈奴日逐王欲降漢使人與鄭
吉發渠黎龜茲諸國五萬人迎王四萬三千

人小王將十二人隨吉至河曲頗有亡者吉追斬之將詣京師漢封日逐王為歸德侯吉既破車師降日逐威震西域遂并護車師以西北道故號曰都護都護之置自吉始焉上嘉其功乃詔曰都護西域騎都尉鄭吉拊循外蠻宣明威信封吉為安遠侯漢之萬里之外以身為號令班於西域始自張騫成於鄭吉

本段會宗為人好大節矜功名與谷永相友善永聞其老復遠出于書戒曰足下以柔遠之令德復興都護之功重職甚願吾子因循舊貫無求奇功大賞小元帝時萬里之外以身為本願詳思愚言

與陳湯出西域郅支單于數因辱漢使湯與延壽謀曰郅支所在絕遠無金城强弩之守如發屯田吏士毆從烏孫衆共攻之足以成功延壽欲奏之湯曰國家與公卿議大策凡非所見必不從會延壽病湯獨矯制發兵延壽聞之欲止湯起按劍叱延壽曰大衆已集豎子欲沮衆耶延壽遂從之部勒行陣即日引軍分行遂斬郅

欽定四庫全書

卷四十三

支單于頭送京師延壽封茂成侯湯闕建二銅柱饒著唐
內侯功大賞小為石顯匡衡所抑也
德唐書馬摠為安南都護廉清不撓用儒術教其俗政
事嘉美獠夷安之建二銅柱於漢故處饒著唐德以
明伏波
之裔

鎮將鎮副

六典上鎮將一人正六品下鎮副一人正七品下

魏有四鎮

將軍之名晉宋以後皆因之隋有鎮將鎮副皇朝因之
每防五百人為上鎮三百人為中鎮不及者為下鎮

錄事一人史一人倉兵曹叅軍事各一人從八品下

倉曹

職同諸州司倉 倉督一人中鎮將一人正七品上鎮副一人

從七品上錄事一人兵曹叅軍事一人正九品下倉督
一人下鎮將一人正七品下鎮副一人從七品下錄
事一人兵曹叅軍事一人從九品下倉督一人鎮將
鎮副掌鎮捍防守總判鎮事

五代皆補親隨與縣令抗禮公事專達於州梁開平四
年諸州鎮使不以官秩高卑並在縣令之下

國朝建隆二年置縣尉主鄉村賊盜鎮將所主郭內而
已仍統於縣兼領都虞候又有典主文案

所由供役
使無定數

戍主戍副

六典上戍主一人正八品下戍副一人從八品下

宋書云劉

德願為遊擊將軍領石頭戍事宋檀道濟以護軍領石頭戍事宋齊以下至隋皆有其官皇朝因之

中戍

主一人從八品下下戍主一人正九品下

每五十人為上戍三十人

為中戍不及者為下戍

戍主戍副掌與諸鎮畧同

魚軒

左傳狄人滅衛齊侯使公子無虧歸公乘馬祭服五稱歸夫人魚軒注云車以魚皮為飾

瓜時

而往及瓜而代

左傳齊侯使連稱管至父戍葵丘瓜時而往曰及瓜而代不至乃作亂也

樂

宅戍

盛弘之荊州記襄陽范蠡祠南七十里有晉河南尹樂廣宅周四十餘畝畧井猶未湮塞置邇其中

即名為出白日插雲間辛昆江賦爾乃南陵峻峭峯樂宅成

所謂天險難高安戍桓溫表上春築縣之諸圻城在升地險丘山江東岸臨當濡湏口上二十里

建康宮三百三十里南有聲里北有高安戍高安戍者是孫權征合肥往來屯兵處也權常大積米穀於此備魏濡湏口

五岳四瀆官

六典五岳四瀆令各一人正九品上古者神祠皆有祝及祭酒或有史者

令蓋皇祝史三人齋郎三人並皇朝所置廟令掌祭祀及判

祠事祝史掌陳設讀祝行置文案齋郎掌執俎豆及灑

掃之事興國中以令錄州官老不給治者為廟令判司簿尉為主簿由是不置丞亦有專置者景德中澶州別置河瀆廟亦令頓丘縣令掌廟之政令多統於本縣令

京朝知縣者云管勾廟事

主典無定數

關令丞

津吏

六典上關令一人從八品上

按周禮有司關工士二人又有尹喜為關令漢有甯

成為關都尉皆其職也隋代立制皇朝因之

丞三人從九品上

皇朝置

錄事一

人府二人史四人典事六人津吏八人中關令一人

正九品下丞一人從九品下錄事一人府一人史二人
典事四人津吏六人下關令一人從九品下府一人
史二人典事二人津吏四人

四面關有驛道為上關無驛道者為中關餘為下關

永泰元年中關置津吏六人下關四人無津者不置

五代梁開平元年以潼關險阻乃置潼軍使命虎州刺史兼領之其月改虎牢關為軍仍置使

國朝諸津

各置監官一員

凡文武臣寮諸軍將校等如欲遣人

力往川廣及沿邊但經歷關津合用公憑者於本州請

領不得私給

職官分紀卷四十三

欽定四庫全書

職官分紀卷四十四

宋 孫逢吉 撰

橫行東西班大小使臣

唐制百官職皆九寺三監分典開元中始置諸使其後漸增由是寺監之物多歸諸使朝廷每有制詔則云諸司諸使以該之多內侍省官或將軍兼充天祐後及五代用廷外臣以御監將軍刺使以上領使國朝定內容

省使至閤門使之橫班皇城使以下二十名謂之東班
宮苑使以下二十名謂之西班初猶有正官充其後但
以檢校官為之或領觀察防禦團練使刺史慶厯四年
皇城使不轉閤門昭宣使既難其磨勘又不可例除遥
郡刺史舊制諸司副使當改官者降五資除使則是一
日而遷十五資今欲皇城使改官及七歲如曾任邊有
路安撫轉運使揔管五人以上舉則與除遥郡刺史至
遥郡防禦使諸司副使因差遣及有勞遷使如舊制兩

省止因磨勘則不得過五資有戰功及殊績者不限又
舊制兩省都知押班及帶內器械內臣合歷轉者臨時
例取古今欲如舊制詔自今皇城宮苑副使當磨勘者
各於本班額從下與升五資改諸司使其自左藏庫副
使以上因酬獎及非次改官者如舊制餘皆如所奏初
上謂執政曰諸司副使當從供備庫副使始今對行除
除五資太優於是令儀條差而為此制嘉祐三年詔客
省引進四方館各置使一員東西閤門共置使四員閤

門引進客省共置副使六員閤門通事舍人八員閤門使須有闕乃補今欲引進四方館各增置使一員東西上閤門共增使二員閤門引進客省共增置使四員閤門通事舍人增置二員所增置員見閤門供職轉資七不供職轉五資熙寧五年詔今後諸司使副磨勘歷任內有戰功曾經轉酬獎者與轉七資使額其餘並轉五資舊制諸司使副使有戰功者磨勘轉官率用常調轉五資上謂無以褒勵武人而閤門兩省職事皆左右近

習非勲勞不可超躡故有是命

元祐令內客省使至閤門副使為橫行延福宮使至昭宣使為班官諸司使副使承制崇班閤門祗候為大使臣供奉官侍禁殿直奉職借職為小使臣

內客省使

國朝崇政殿受朝則升東階侍立大中祥符四年樞密院言新除內客省使曹利用准例逐日赴樞密院同食其本廳宇已改充三班院請止令於三班院分廳視事

從之

客省

國朝客省在閤門之西使闕則引進四方館閤門使副兼承受一十人舊名承旨淳化二年改大中祥符五年陳彭年進客省事例六卷康定元年章得象修成客省條例七卷

使副使

五代梁有客省使國朝因之掌四方進奏及四夷朝貢

牧伯朝覲賜酒饌饗餼宰相近臣禁將軍校節儀諸州
進奉使賜物回詔之事

元祐令客省使從五品副使從七品

次內相

國朝張元嘉祐中為客省使上表乞換文資上以其嘗有功效令守舊官充徐州兵馬都總管

元初及第遇相者曰君次內相元曰翰林學士為內相予次之豈不侍講乎相者曰是也及第換武弁累遷客省使凡十五年不能
遷內客省使而卒

引進使副使

五代梁有引進使副使國朝因之慶厯四年詔引進使

兼領閣門公事

元祐令引進使從五品副使從七品

四方館

國朝四方館在朝堂門外使客則客省引進閣門使副
兼掌大中祥符五年陳彭年進四方館儀一卷康定元
年章得象修成四方館條例一卷

使

唐四方館以通事舍人判歷中書省

五代晉始以卿監專判館

國朝初以檢校官判館淳化四年改置使名掌通事分
番供奉宣贊之名籍文武官正衙見謝辭國忌賜香諸
道月旦正至章表郊祀朝會蕃官貢舉人進奉使京官
致仕官道釋父老陪位之事

元祐令四方館使正六品

東西上閣門

國朝東西上閣門司紫宸殿前南廊置使副使常領本

局事闕即取客省使副使以上同管勾或全闕官亦有
通事舍人權發遣者承受十一人舊名承旨淳化二年
改又有提點承受以承受行首入仕歲久者命為三班
以充役大中祥符五年陳彭年進閣儀制六卷康定元
年章得象修成閣門儀制十二卷

使副使

國朝閣門使副使掌供奉乘輿朝會遊幸大宴及贊引
親王宰相百寮蕃客朝見辭糾彈失儀

元祐令東西上閤門使正六品副使從七品

沮宦官

內殿崇班錢晦累遷至閤門使宦官王守忠領節度觀察留後牒閤門定朝立燕坐晦因對言

天子大朝令宦官齒是大夫坐殿上必為四夷所笑守忠又欲以禮服進酒晦以為不可禮官議與晦同而言事官亦有是言守忠由是大沮

閤門通事舍人

國朝太平興國五年通事舍人王睿失儀太宗乃令今後不得通贊只令引班故事閤門無通事舍人判隸中書省其長一人判四方館謂之館老如抽赴閤門祇應

者兼稱閤門祗候今直授閤門通事舍人非舊制也天禧二年禮儀院制圖凡言閤門通事舍人者皆去閤門字因是制授官者亦去之嘉祐三年八月詔定以十員為額

元祐令閤門通事舍人從七品

書五字七字賜舍人

仁宗時李惟賢為閤門通事舍人在閤門習朝廷儀制數奏事稱旨

仁宗嘗書忠信李惟賢五字賜之後又賜以李惟賢忠孝勤謹七字

閤門祗候

國朝咸平五年諸王夫人及縣主等以親屬居三班者
上言因聖節推恩願以次補閤門之職真宗曰此職非
可以恩澤授也並不許天禧元年上與輔臣語及省費
用減吏員向敏中曰閤門祇候先朝止有三五員宣導
贊唱而已今踰數百而除授未已祿廩頗厚資地亦優
願稍慎擇上曰此蓋相承為例當漸有省之天聖六年
上封者言三班使臣帶閤門祇候並代諸司使副使差
遣竊以太宗時閤門祇候人數不多真宗朝置諸路提

點刑獄以閤門祇候同充時以員數闕少特令臣寮奏舉久歷外任有勞績者任之自後限以七人奏舉除授近年皇親及臣寮遇聖節及差遣并亡歿遺表有陳乞走馬承受亦以三年承例不問有無才幹並特轉閤門祇候欲望自今供奉官合該轉者並只與轉內殿崇班其在京及外任自來差閤門祇候勾當去處令樞密院相度選差侍禁以上使臣充填從之嘉祐八年李端愍奏近歲閤門祇候以上領在京差遣不理資任是以各

圖外任請自令通事舍人閤門祇候一任在京一任在外從之治平二年閤門言先詔通事舍人及閤門祇候共一十二人今止有九人熙寧四年閤門言係通事舍人十三員閤門祇候二十三員除見任祇應共十員外全少慣熟之人欲乞選擇內外仕族子弟自內殿承制以下至右班殿直六人令逐日前後殿亦閤門祇候諸般祇應以看班祇候為名候及五周年委是詳熟失儀數少令閤門委保與正除閤門祇候常以六人為定額

其班著不以官序高下並在閤門祇候班後別為一行不得帶出外任差遣詔三班院揀選士族之家子弟供奉官至殿直年四十以下好人材但魯歷任及無私罪使臣一十二人三班院以田奕等名聞揀用六人

延福宮使

國朝明道元年置

元祐令延福宮使從五品

景福殿使

國朝大中祥符五年宣政使應州觀察使劉承珪以久疾辭職特置是名在客省使之上

元祐令景福殿使從五品

宣慶使

國朝舊諸司使止於宣政使大中祥符元年東封禮畢宣政使季神福當遷職特置是名

宣政使

國朝淳化五年昭宣使王繼恩有平賊之功中書欲以

為宣徽使詔朕讀前代書史多矣不欲令宦官干預事
宣徽使執政之漸也不可止受他官宰相等懇言繼恩
有大功非此任無足以議賞典上怒深責宰相等因命
張洎等別立宣政使之目序在昭宣使之上以授之

昭宣使

國朝淳化四年置以皇城使王延德王繼恩莊宅使杜
彥鈞為之以上朝叅位在東班前

元祐令昭宣使正六品

皇城使副使

五代梁乾化六年五月詔曰端闈正門也宜以時開敞
用達陽氣委皇城使准例檢校啓門車駕出則闔扉國
朝因其名

元祐令皇城使以下諸司使正七品

翰林使副使

唐有翰林使掌伎術之待詔者

五代有翰林茶酒使

國朝初有茶酒使後止名翰林使

尚食使副使

五代梁有尚食使副使國朝因之

御厨使副使

五代梁以御食使為司膳使

國朝置御厨使

軍器庫使副使

五代梁有武備庫

儀鸞使副使

唐置營幕使後置同知院使

五代梁開平初改儀鸞使

國朝置儀鸞使副使

弓箭庫使副使

唐有內弓箭庫使國朝因之後去內字

衣庫使副使

國朝初置內衣庫使後去內字

東西綾錦院使副使

東西八作使副使

國朝舊有八作太平興國二年始分東西

牛羊使副使

香藥庫使副使

國朝舊有香藥庫因置使

榷場使副使

國朝舊有榷場庫因置使

毬毬使副使

唐有毬坊毬坊使五代合為一國朝因之

鞍轡庫使副使

唐神策軍有御鞍轡庫五代置使國朝因之

酒坊使副使

唐有酒坊使國朝初加內字後去之

法酒庫使副使

周太祖平河中得酒工王恩善造法麴酒因置法酒庫

使

翰林醫官使副使

以上二十
使為東班

宮苑使副使

五代梁有宮苑使國朝因之

左右驂驥院使副使

唐有飛龍使乃小馬坊使

五代梁改小馬坊使為天驥後唐復為飛龍小馬坊使

長興元年改飛龍院為左飛龍院小馬坊為右飛龍院

國朝太平興國三年改左右天廐坊雍熙二年又改左
右騏驎院使名從之

內藏庫使副使

國朝太平興國初置庫及使名

左藏庫使副使

唐以太府少卿知左藏出納五代有使國朝因之

東西作坊使副使

唐有作坊五代置使國朝因之舊有南北熙寧三年改

南北作坊為東西作坊其使副名額亦然

莊宅使副使

五代有莊宅使副使國朝因之

六宅使副使

唐置十宅六宅使以諸王所屬為名或總云十六宅後止云六宅國朝因之

文思使副使

五代有文思使國朝因之

內園使副使

五代有內園栽接國朝止名內園

洛苑使副使

五代有洛苑使國朝因之

如京使副使

五代有如京使國朝因之雍熙四年以侍御史鄭宣司門員外郎劉墀戶部員外郎趙載並充如京使以殿中侍御史柳開為崇儀使左拾遺劉慶為西京作坊使先

是太宗以五代戰爭以來自節鎮刺史皆用武臣多不曉政事人受其弊帝欲兼用文士漸復舊制故先擢宣等為內職

崇儀使副使

更見如京使門

唐五代皆有開廐使國朝太平興國五年改今名

遼不敢犯

國朝雍熙四年以右拾遺曾諫為崇儀使初諫知定遠軍會遼人入寇兵少為城不固人

心危懼欲降於遼諫斬數人乃定因率勵士卒遼不敢犯遂引去帝聞之降詔敦獎賜五品服未幾召赴闕改

命授是

西京左藏庫使副使

西京左坊使副使

東西染院使副使

唐有染坊使國朝太平興國三年置東西二院使名從之

禮賓院使副使

賞捕繫蠻賊之勞

國朝皇祐四年以權廣州番禺縣令蕭注為禮賓副使仍權發遣番禺縣

事賞捕繫蠻賊之勞也

供備庫使副使

以上二十
名為西班

帶御器械

國朝賞選三班以上武幹親信者帶橐鞬御劍或以內
臣為之初止名御帶咸平元年改為帶御器械以內園
使馬知節領登州刺史知秦州西京作坊副使石知隅
為西京作坊使綦政為供備庫使供奉官張旻為供備
庫副使並帶御器械初是職止名御帶至是改焉天聖
七年詔給馬三疋并芻粟景祐二年詔帶御器械自今

不得過六人元豐二年帶御器械官遇獨員闕人祇應差內使省押班官權從下差

內殿承制

國朝大中祥符二年詔置內殿承制班在內殿崇班上秩比殿中丞

元祐令內殿承制正八品

內殿崇班

國朝淳化二年詔置內殿崇班在供奉之上左右侍禁

在右班殿直之上先是供奉官殿直有四十年不遷者故特置崇班侍禁之目差定其次授焉人用胥悅

東西頭供奉官

左右侍禁

左右班殿直

五代本曰殿前承旨晉天福五年詔除翰林承旨外殿前承旨改曰殿直後唐清泰元年七月殿直承旨都知以趙處愿等為之

三班奉職

國朝淳化二年改殿前承旨為三班奉職

元祐令三班奉職從九品

三班借職

國朝元祐令三班借職從九品

職官分紀卷四十四

欽定四庫全書

職官分紀卷四十五

宋 孫逢吉 撰

大禮五使

大禮
鹵簿

禮儀
橋道頓遞

儀仗

唐元和以前史籍不載開元九年國子司業韋韜知太常禮儀事而未有使名天寶九載始置禮使大厯五年停事歸太常七年復置建中元年停自後不置每有南郊大禮權置太常卿為之又有大禮使中丞為之哀帝

時中丞為儀仗使而不載大禮使五代梁有以河南尹為大禮使餘二使如舊又有儀仗法物二使以武將為之後唐明宗以宰相為大禮兵部尚書為禮儀使御史中丞為儀仗使兵部侍郎為鹵簿使開封尹為頓遞使周制亦然惟以禮儀為太常國朝大禮頓遞用宰相京尹充使如舊制太常中丞兵部尚書或闕則以學士及他尚書丞郎為之而頓遞又增橋道之名唐有禮儀使判官五代有大禮副使判官國朝並不置後唐又有

修裝法物使今多以內臣與本司修飾焉其職掌用禮院御史臺兵部吏人如故儀衛衣物鹵簿皆掌儀仗使無專掌但令憲司督促諸司而已今有中丞換使額非舊制者若叙使司次第則橋道頓遞最在下京尹有親王為之者先朝屢舉大禮以非常禮皆用輔臣向敏中次當禮儀贊導以年老不任磬折改命王欽若以敏中領禮儀使則是不用次叙之例自是始變焉其胥吏交換頗為非便自後不復改至大中祥符元年乙未以尚

書左丞知樞密院使王欽若右諫議大夫叅知政事趙
安仁為泰山封禪經度制置使先朝亦置大禮禮儀儀
仗鹵簿等使唯不置橋道頓遞使六年以宰相王旦為
遞奉聖像大禮使向敏中為禮儀使樞密使王欽若為
儀仗使陳堯叟為鹵簿使叅知政事丁謂為橋道頓遞
使其年又以宰臣王旦為奉祀大禮使向敏中為儀仗
使樞密使同平章事王欽若為禮儀使陳堯叟為鹵簿
使叅知政事丁謂為橋道頓遞使又以王旦為天書儀

仗使丁謂為副使兵部侍郎趙安仁為扶侍使入內副
都知張繼能為扶侍郎都監為七年詔摹刻天書奉安
於玉清昭應宮宰臣王旦為天書刻玉使樞密使同平
章事王欽若為同刻玉使叅知政事丁謂為刻玉副使
兵部侍郎趙安仁翰林學士陳彭年為同刻玉副使入
內押班周懷政為都監以吏部尚書王欽若為同中書
儀衛刻玉使其年又以司空兼門下侍郎平章事王旦
為奏告大禮使中書侍郎兼刑部尚書平章事向敏中

為儀仗使樞密使兵部尚書平章事寇準為鹵簿使工部尚書叅知政事丁謂為禮儀使樞密副使檢校太保王嗣宗為橋道頓遞使禮儀使為四使之首贊導行事敏中以衰疾故讓謂以便於陟降也丙中以工部尚書平章事王旦為封禪大禮使尚書左丞知樞密院事王欽若為禮儀使兵部侍郎叅知政事馮拯為儀仗使兵部侍郎知樞密院事陳堯叟為鹵簿使右諫議大夫叅知政事趙安仁為橋道頓遞使其禮儀橋道頓遞使事

令拯洎堯叟分掌以欽若安仁先赴泰山故也先是王
旦言封禪當命五使郊禋舊制以宰臣充大禮使以學
士中丞尚書丞郎知開封府分領禮儀等使上升中大
禮宜重其事五使之職當於中書樞密院班次命之馮
拯曰臣等叨居重位復忝使名慮未為允望仍舊貫上
曰大臣為之益重祀事也天禧三年右僕射兼門下
侍郎平章事向敏中為天書儀衛使南郊大禮使中書
侍郎兼吏部尚書平章事寇準為天書儀衛使吏部尚

書叅知政事丁謂為儀衛副使給事中叅知政事李迪
為扶侍使翰林承旨刑部侍郎知制誥晁迥為南郊禮
儀使翰林學士給事中知制誥錢惟演為儀仗使樞密
直學士右諫議大夫兼太子賓客王曙為鹵簿使給事
中權知開封府馬元方為橋道頓遞使左驂驥使英州
團練使入內副都知周懷政為天書扶侍郎都監自封
禪以來時命輔臣兼五使之職及是始復舊制皇祐二
年九月二十七日辛亥有事於明堂取齋戒自新之義

以宰臣文彥博為大禮使米庠為禮儀使樞密使王貽永為儀仗使龐籍為鹵簿使叅政高若訥為橋道頓遞使以樞密副使梁適攝太尉告天地於南郊舊制大禮使以宰臣一員充自禮儀仗使以下以太常卿中丞兵部尚書開封尹充今並用兩府近臣蓋重其事也治平二年以御史中丞南郊鹵簿使賈黯為儀仗使以翰林學士南郊儀仗使范鎮為鹵簿使故事南郊以御史中丞為儀仗使天聖二年乃誤用中丞薛奎領鹵簿使而

以翰林學士晏殊為儀仗使是用仁宗郊天故事黯言其誤故改之

春明退朝錄每南郊大禮循唐制命五使宰相為大禮使學士為禮儀使鹵簿使御史中丞為儀仗使知開封府為橋道頓遞使而禮儀使本太常卿事尚書兵部主字圖鹵簿使是其職也儀仗使排列之而鹵簿使督攝之其職事頗相通

真宗時東封西祀奉祀皆輔臣為五使南郊則用學士

而下

仁宗籍田恭謝大饗明堂祫饗上大饗並循真廟之制

定南郊行禮圖

國朝乾德初上將有事園丘以范質為大禮使質與鹵簿使路昭禮儀使劉溫

叟討閱禮故事補其闕漏上之上甚嘉獎

譯經潤文使

春明退朝錄太平興國中始置譯經院於太平興國寺

延梵學僧翻譯新經始以光祿卿湯公悅兵部員外郎

張公洎潤色之後趙文定楊文公晁文莊李尚書維皆

為譯經潤文官天祐中宰相丁晉公始為使天聖三年
又以宰相王冀公為使自後每宰相繼領之然降麻不
入銜又以叅政樞密為潤文其事寢重每歲節必進新
經前兩月二府皆集以觀翻譯謂之開堂亦謂之清流
堂慶厯三年呂許公罷相以司徒為譯經潤文使明年
致仕章郇公代之自後乃降麻入銜

宮觀使

判官
管勾

都監
提點

提舉

唐開元八年同州刺史姜師度兼管内長壽宮使其後

或以御史中丞或以殿中監帶使至大厯九年後惟以同州刺史充

五代梁開平元年罷後唐同光元年復置天福四年停使額

國朝玉清昭應宮景靈宮會靈宮祥源觀皆置使有副使判官又有都監管勾之名或以宰相或翰林學士或知制誥為之都監以諸司使副使或中官管勾或權或同或異或曰都大不常其名熙寧六年昭應宮觀差遣

係大卿監及諸司并本州知州自來帶管勾者並充提舉餘官管勾

春明退朝錄唐置宰相四人首相為太清宮使祖宗朝使相節度使未嘗有領京師官局者明道中錢相始為景靈宮使治平中武康節李端願始為醴泉觀使

不拜命

國朝王魯遷諫議大夫叅知政事真皇好神仙築昭應景靈宮用大臣領使以魯為景靈使不

拜命忤旨罷知政事出知天雄軍

遷官處閒局

熙寧六年以莊宅使帶御器械知鎮戎軍張縡

為驥使提點鳳翔府太平宮繡有閒職難仍舊官八年

戰功

以病請退故遷官以閒局處之

閒職難仍舊官

八年

以皇城使忠州團練使馬備管局仙源縣景靈宮太極觀公事尋除爾大將軍開職難仍舊官故也用父恩九年以殿中丞曾孝純同管勾西京崇福宮從父公亮所乞也孝純兼當資序得管勾宮觀用父恩也

奉使

詩皇皇者華君遣使臣也送之以禮樂言遠而有光華

也周禮凡邦國之使節山國用虎節土國用人節澤國

用龍節皆金也大行人之職時聘以結諸侯之好間問

以諭諸侯之志掌大賓之禮及大客之儀以親諸侯

九州

之外謂之蕃小行人之職凡四方之使者大客則擯小客

國世一見

則受其幣而聽其辭象胥掌蠻夷閩貉戎狄之國使凡國大喪詔相國客之禮儀而正其位

儀禮上公之使者七介侯伯之使者五介子男之使者

三介君命者宰執書授使者書授上介使者及境張旌

誓乃謁闕人

謁告也

使者若過邦至于境使次介假道

輕幣重使

左傳云叔齊之子為季武子介以會自是晉人輕魯幣而益敬其使

觀周樂

吳季札來聘請觀於周樂魯以周公故有天子禮樂

客使

晉士文伯讓子產曰以敝邑政

刑之不脩寇盜充斥是以令吏人完客所館高其閭闔厚其墻垣以無憂客使

以尸行事

楚伐吳陳

侯使公孫貞子弔焉及良而卒將以尸入使吳太宰話
勞且辭焉上介茅尹蓋對曰寡君聞楚為不道滄伐吳
國使蓋備使弔君之下吏無祿使人人命墮君命逆
使人曰無以尸造于門是我寡君之命委於草芥也且
臣聞之事死以生禮也於是有朝聘而終以尸將事之
禮又有朝聘而遭喪之禮若不以尸將命是遭喪而還
無乃不可乎備使奉尸將命苟我寡君之命不假道而
達於君所雖墮於深淵則天命也吳人內之不假道而
殺使楚子使申舟聘于齊曰無假道於宋亦使公子馮
聘於晉不假道於鄭申舟曰不假必殺我王曰殺
汝我伐之見犀而行及宋宋人止之華元曰過我而不
假道鄙我也鄙我亡也殺其使者必伐我伐亦亡也亡
一也乃殺之楚子聞之投袂而起屣及於室皇劍行人何
及於寢門之外車及於蒲胥之市遂伐宋也
行人何罪
鄭使良霄石彘如楚告將服於晉楚人執之石一介
彘言於子囊曰楚實不競行人何罪楚人歸之

行李

鄭及楚平使王子伯駢告於晉晉使行人子負對曰君有楚命亦不使一介行李告於寡君寡君將

帥諸侯以見于城下惟君圖之

出疆

春秋之義大夫出疆有可以安社稷存萬民闕之可也王人

序諸侯之上

公羊傳八年公會王人齊侯宋公鄭侯許男曹伯盟于洮王人者何微者也曷序乎

諸侯之上先王命也

聞喪徐行

公子遂如齊至黃乃復識之大夫以君命出聞喪徐行而不反兵

交使在其間

晉伐鄭鄭人使伯黶行城晉人殺之非禮也古者兵交使在其間可也使舉

上客而不稱介

穀梁文十八年魯公子遂叔孫得臣如齊使舉上客而不稱介不正其同倫而

相介故列而數之

白珩

國語楚王孫圉聘於晉趙簡子鳴玉問珩猶在乎其寶也幾何矣

曰未嘗為寶楚人有觀射父能作訓辭以行事於諸侯又有左史倚相能道訓典以序百物此楚國之寶也若

夫白珩先王之**秦觀楚寶**劉向新序秦欲伐楚遣使往所玩也何寶焉觀楚之寶器物昭奚恤乃為

璽使客東面自居西面之璽稱曰理百姓實倉廩子西在此奉珪璋使諸侯子方在此守封疆謹境界葉公子

高在此理師旅正軍戎司馬子反在此懷霸王之餘義獵治亂之遺風昭奚恤在此惟大國所觀使反言秦君

曰楚多賢臣**韜軒**風俗通周秦常以歲八月遣韜軒未可謀也之使採異方言還奏之藏于秘室**窮**

河源史記禹本紀言河出崑崙高二千五百餘里日月所相避隱為光也自張騫使大夏之後窮河源惡

親所謂崑崙者乎故言九州山川尚書近之**斷髮文身**矣禹本紀山海經所有怪物余不敢言之也

越使諸發使於魏諸發斷髮文身為飾既就館魏王有令客若衣冠則以禮見若不衣冠則不見諸發答曰大

國若遣使至敝邑亦須剪髮文身以見敝邑**還趙璧**趙之君不然願從其俗魏王慙其言乃出見之得

楚和氏璧秦昭王請以十五城易璧趙畏秦強不可違使蔣相如奉璧於秦王坐章臺相如奉其璧視秦王見禮甚倨相如乃前曰璧有瑕請指之王授璧相如持璧睨柱起髮上衝冠謂王曰臣竊觀大王得璧傳之美人以戲弄臣無意償趙城邑大王必欲急臣頭與璧俱碎於柱矣且趙王齋戒五日使臣奉璧今大王亦宜齋戒五日臣乃敢上璧秦王許之齋戒五日相如授從者衣褐裹璧從徑道歸趙秦王齋戒畢引趙使受璧相如云臣恐見欺王而負趙已令人持歸間至趙矣左右欲引相如去秦王曰令殺相如終不得璧因厚遇而歸之一

出五國有變

齊田常欲伐魯孔子聞之謂門弟子曰魯墳墓之園有二三子何為其出子路子張

子石請行俱不許子貢請行許之子貢至齊說田常且請使吳至而說吳王以救魯伐齊吳王恐越之有報吾心子貢又請使越說勾踐越王發卒佐吳臣請北見晉令共攻吳則其銳兵盡於齊重甲困於晉而王制其樊

此滅吳必矣越王從其計吳遂伐齊子貢去而之晉說
晉君修兵卒以待之矣既行以待臨晉越王聞之涉江
襲吳滅之故子貢出存魯亂齊破繆賢薦蘭相如蘭相
吳強晉霸越十年之中五國有變繆賢薦蘭相如為
趙官者令繆賢舍人趙求人可使報秦獻空籠魏文侯使蔡無
者未得繆賢曰舍人蘭相如可使也
澤獻鵠於齊侯行路失之獻其空籠謂齊侯曰寡人使
臣獻鵠路而食之乃中天而去非不能買鵠不敢易君
幣非不能逃亡惡絕兩君之好非不能自殺惡貴鵠得
賤人是以獻空籠唯君裁之齊侯曰得子之言勝得鵠矣
言勝得鵠上行人之官前漢藝文志從橫家者流蓋出於行人之官孔子曰誦詩三百
使於四方不能專對雖多亦奚以為又曰使乎言其當
權事制宜受命不受辭此其所長也及邪人為之則上
詐譏而縣令負弩先驅司馬相如建節往使蜀太守建
棄其信

節出關

終軍初步入關關吏予繡軍素繡而去及為謁者使行郡國建節出關關吏識之曰此使者乃前

棄繡生也

請長纓羈南越

終軍自請願受長纓必羈南越王而致之關下乃遣軍往說越王請

舉國內屬天子大悅令使者留鎮撫之越相呂嘉不欲內屬發兵攻殺其王及漢使者者軍死時年二十餘故世

謂之

矯制發倉粟賑貧民

武帝時河內失火遭汭黠往視之還報曰家人失火屋比

延燒不足憂臣過河內貧人傷水旱萬餘家或父子相食臣謹以便宜持節發河內倉粟以賑貧民請歸節伏

矯制罪上

馮軾下齊七十餘城

漢王定天下酈食其嘗為說客馳使諸侯又請

奉詔說齊王使稱東藩上曰善於是使食其說齊田廣以為然罷其歷下兵守戰備與食其日縱酒韓信聞食

其馮軾下齊七十餘城過夜度兵襲齊廣賜橐中裝陸

關漢兵至以食其賣已乃烹食其引兵走

以容從高祖定天下名有口辯時中國初定尉佗平南越因王之高祖使賈賜佗印為南越王賈至說佗令稱

臣奉漢約佗賜賈橐中裝直千金至孝直指使者暴勝

丈時賈又使南越令尉佗去黃屋稱臣

直指使者之為

直指使者衣赭衣持白請治行鄭當時為九卿門下客

善言進之武帝使視決河自請治行五日丁年奉使皓

首而歸李陵與蘇武書曰足下以單車之使適萬乘之

虜丁年奉使皓首而歸老母終堂生妻去惟此

天下所河梁蘇武將使匈奴李陵贈詩曰攜手上河梁

稀聞也

游子暮何之徘徊蹊路側悵悵不能辭

齧雪與旃毛蘇武使匈奴單于置武于大窖中絕不與

飲食天雨雪武卧齧雪與旃毛并咽之數

日不死徙北海上鴈足書昭帝時匈奴與漢和親漢求

無人處使牧羝羊

鴈足書蘇武等匈奴詭言武死後漢

使復至匈奴武夜見使者教之為單于言天子射上林中獲鴈足有係帛書言武在某澤中使者以讓單于單于謝漢使于謝漢使白髮而還武留匈奴十九歲始以節毛盡遣武歸強壯出及還鬚髮盡白節毛盡

落武在北海上牧羊卧不失漢節張騫以郎應募使月氏匈奴得之留騫十

餘歲持漢節不失因與其屬亡既至月氏還復為匈奴所得留歲餘單于死國內亂騫與妻俱亡歸漢拜太中大夫

見邛竹杖蜀布騫所至者大宛大月氏大夏康居初騫行十三人惟二人得還騫言在大夏時見

邛竹杖蜀布問安得此大夏國人曰吾賈人往市之身毒國大夏去漢萬二千里居西南身毒人居大夏東南

數千里有蜀物此其去蜀不遠矣今使大夏從羌中險少北則為匈奴所得從蜀宜往又無寇天子忻忻以騫言為

然廼令自蜀犍為發間使數道並出終莫能通後復從大將軍擊匈奴知水草處軍得以不乏乃封騫為博望

侯堂堂漢使

蘇武使匈奴單于脅武令拜武不從匈奴以刃臨之武曰堂堂漢使安能屈於四夷

哉拔佩刀自刺匈奴大驚疾醫之得愈

斬樓蘭王

傳介子使大宛還過龜茲言匈奴使從烏孫還

在此介子率其吏士共誅斬匈奴使者還因請往刺樓蘭龜茲王以威諸國於是遣介子至樓蘭樓蘭王不親

介子陽引去至其西界使譯謂因曰漢使者持金幣行賜諸國王不來受我去之西國矣其王果貪漢物求見

使介子與飲酒醉使壯士刺殺之持其首述詔曰樓蘭王常為匈奴間候遮殺漢使者傳介子持使節誅斬樓

蘭王首懸之北闕不煩師衆其封介子為義陽侯

奉使不稱

成帝陽朔二年關東大水遣諫大夫

博士分行視以奉使不稱詔丞相御史與二使者旁午

千石雖舉可充博士者注不稱謂不副上意
昌邑王受璽以來二十七日使者旁午持節詔諸官署徵發凡一千一百二十七事如淳曰旁午分布也師古

曰一從一橫為使絕域武帝詔州郡察吏民有茂材臨

遣元帝詔臨遣光祿大夫褒等十二人循行天下存問

奉使稱意孔光成帝時為博士數決錄冤獄行諭巴蜀

檄唐蒙使畧通夜郎發卒轉漕巴蜀民大恐上聞之乃

相如為檄文得職自貳師將軍伐大宛之後西域震懼

留漢使單于初立長年少號為兒單于是歲元封六年

其國單于怒而悉留漢使前後留匈奴去節黥面入穹

盧匈奴法漢使不去節不以墨黥面不得入穹盧漢使

王烏北地人習胡俗去其節黥面入盧單于愛之

因降匈奴

漢使宦者中行說送公主妻匈奴說不肯行漢強使之說既至乃降匈奴而以漢事言之

見大夫無可使者

成帝時山陽亡徒蘇令等起為盜欲遣大夫使逐問狀時見大夫無可使

者召藍屋令尹逢拜諫大夫遣之哀帝時王嘉疏曰今諸大夫有材能者甚少宜豫畜養可成就者則士赴難不愛其死臨事倉卒乃求非所以明朝廷也

不用婁敬言以困平城

漢使匈奴

奴匿壯士肥牛馬徒見其老弱及羸畜使者十輩來皆言匈奴易擊上使婁敬復往使匈奴還報曰兩國相擊此宜夸矜其所長令臣往見羸弱老弱此欲伏奇兵以爭利愚以為匈奴不可擊是時漢兵已踰匈奴三十餘萬衆上怒械繫敬廣武遂至平城匈奴果出奇兵圍高帝白登七日然後解帝至廣武赦敬曰吾不用公言以困平城吾已斬先

二使星

後漢李郃善河洛風星人莫之識縣召署幕門候吏和帝

即位分遣使者皆微服單行各至州縣觀採風謠使者
二人當到益部投卻候舍時夏夕露坐卻因仰觀問曰
二君發京師時寧知朝廷遣二使耶二人默然驚相視
曰不聞也問何以知之卻指星示云有二使星向益州
分野故醉不能揖人使英宗治平二年侍御史范純仁
知之耳醉不能揖人使等奏錢明逸勞梁州使班荆館
飲酒醉至不能揖人使乞付有司治罪詔勿治

國信使

國朝契丹自石晉後強盛太祖平海內勢始衰弱開寶
七年中使為涿州刺史耶律琮以書遺雄州孫全興願
講好於朝廷八年乃遣款附奉書來聘自是乃通使矣

凡命使普取旨選差令著為令景德二年詔接伴使副
李宗諤等逐日入朝起居令於北朝人使前先起居於
東面立令人使起居

差開封府官祖送人使條制

應上德橋祖送人差開封府判官郎中以下並借朝

散大夫檢校秘書少監守開封少尹輕車都尉食邑三百戶賜紫金魚袋見任或曾借少卿者即借檢校秘書監守開封少尹并階勳食邑金紫如見係朝
差開封府
散大夫及已有勳封食邑金紫郎更不借

官接伴人使條制

應陳橋接伴差開封府推官員外郎以下並借朝散大夫工部郎中輕車

都尉郎中借一官已係前行只升階借名曹如階
勳已高即不借其權發遣公事並落下只稱推官
差文

武臣充館判國信接伴使等借官不借官者并合乞借

官者條制

文臣如諫議以上更借官待制以上及省副知雜未係朝散大夫或未有勲及食邑並借

朝散大夫右諫議大夫駙都尉食邑五百戶內階勲食邑已高者仍舊少卿借秘書監郎中以下並借太常少

卿朝散大夫駙都尉食邑三百戶賜紫金魚袋已有勲及食邑者不借見帶館職并省府主判遣等並落下如

魯借官後來待制以上每及六年郎中以下四年更加借一官或加職若於上件年內更曾遇恩已加階勲食

邑食實封亦與比附加借其都亭驛班荆館押賜御筵及開封府當國信路知州軍迎送公牒往還并轉運副

使轉當押伴御筵乞借官者並准此武臣充副使如係正任遙郡并橫行皇城使更不借官其餘諸司使並借

使額五資橫行及諸司副使並使正使開門祇候及制崇班並借供備庫使內閣門祇候仍兼閣門通使舍人

如不在閤門祇候更不帶通使舍人未有食邑借三百
戶已有者不借如已及二千戶以上借食實封一百戶



職官分紀卷四十五

欽定四庫全書

子部
職官分紀卷四十八至

詳校官中書臣沈鳳輝

侍讀臣孫球覆勘

總校官編修臣王燕緒

校對官中書臣徐秉敬

謄錄監生臣馬廷堃

欽定四庫全書

職官分紀卷四十六

宋 孫逢吉 撰

元帥

後周大象元年以上柱國韋孝寬爲行軍元帥徇地淮南宣帝以上柱國河陽摠管滕王迥爲行軍元帥伐陳隋開皇十八年以漢王諒爲行軍元帥水陸三十萬伐高麗

唐職官志凡親王摠戎曰元帥文武官摠統則曰摠管
唐百官志天下兵馬元帥副元帥都統副都統行軍長
史行軍司馬行軍左司馬行軍右司馬判官掌書記行
軍參謀前軍兵馬使中軍兵馬使後軍兵馬使中軍都
虞候各一人元帥都統招討使掌征伐兵罷則省都統摠
諸道兵馬不賜旌節高祖起兵置左右領軍大都督各
摠三軍及定京師置左右元帥太
原道行軍元帥西討元帥皆親王領之天寶末置天下
兵馬元帥都統朔方河北河東平盧節度使招討都統
之名始於此大歷八年罷天下兵馬元帥興元元年置副都
李希烈反置諸軍行營兵馬都元帥興元元年置副都

統會昌中置靈夏六道元帥黃巢之難置諸道行營都統天復二年置諸道兵馬元帥尋復改曰天下兵馬

帥元行軍司馬掌弼戎政居則習蒐狩有役則申戰守之

法器械糧備軍籍賜予皆專馬

武德元年改贊治曰治中高祖即位曰司馬下州亦置

馬顯慶二年置洛州司馬武后大足元年東都北都雍荆揚益州置左右司馬神龍二年省太極元年雍洛四

大都督府增司馬一人掌書記掌朝覲聘問慰薦祭祀祈祝之文號

令升絀之事行軍叅謀關豫軍中機密

景龍元年置掌書記開元十二

年罷行軍叅謀尋復置

五代後唐長興四年以秦王從榮爲天下兵馬大元帥九

欽定四庫全書

職官分
卷四十六

月中書門下奏秦王加天下兵馬大元帥自歷朝以來
並無天下兵馬大元帥公事儀注或專一面之權或摠
諸道之帥其儀注規程公事條目載詳故實未見明文
臣等謹沿近事伏見招討使摠管兼授副使以下橐鞬
禮庭今望令諸道節度使以下凡帶兵權者見元帥階
下具軍禮參見皆申公狀其使相者初見亦以軍禮一
次以後客禮相見應天下諸軍務公事元帥府行指揮
其判六軍諸衛事則公牒往來其元帥所置官屬補授

軍職則委元帥奏請從之錢俶在漢朝爲東南面兵馬都元帥周廣順初授諸道兵馬元帥二年加天下兵馬元帥世宗初授天下兵馬都元帥

國朝建隆元年錢俶加天下兵馬大元帥

賞其知人

陳宣帝時朝議北侵命舉元帥衆議在淳于量徐陵獨曰不然吳明徹家在淮右悉彼風

俗將畧人才當今無者於是爭論數日不能決尚書都官裴忌曰臣同徐僕射陵應聲曰非但明徹良將

忌即良副也是日詔明徹爲大都督令忌監軍遂克淮南數十州地宣帝因置酒舉杯屬陵曰賞卿知人

清河即江神

隋楊素爲行軍元帥伐陳素率水軍東下舟艦蔽江旌甲耀日素生平乘大船容貌

欽定四庫全書

卷四十六

雄偉陳人望之曰清水忽化爲血從唐河間王孝恭高祖

河公即江神也據江東反命孝恭爲行軍元帥擊之將發宴諸將取水

忽化爲血在坐失色孝恭飲之曰此公祐授首之徵也

果擒儲貳更爲元帥肅宗討賊以廣平王爲天下兵馬

公祐之號爲副元帥祿山作亂玄宗幸蜀肅宗討賊建寧

王倓肅宗第三子也倓英毅有才畧善騎射肅宗既北

上渡渭一日百戰倓自選驍騎數百衛從每血戰在前

上尤憐之軍士屬目歸於倓至靈武肅宗即位廣平王

既爲元子欲以倓爲天下兵馬元帥侍臣曰廣平王冢

嗣有人君之量上曰廣平地當儲貳何假更爲元帥左

右曰廣平今未冊立艱難時人猶屬望元帥況太子從

曰撫軍守曰監國今之元帥撫軍也廣平爲宜遂以廣

平王爲元帥倓典親軍圖形于凌烟閣德宗代宗長子

李讓國爲元帥府司馬

也奉節郡王代宗

即位之年拜天下兵馬元帥改封魯王時史朝義據東都遣
德宗會諸軍大舉破賊於洛陽進收東都河南平朝義
定河北分命諸將追之賊將斬朝義首以獻河北
以元帥功拜尚書令與郭子儀等八人圖形於凌烟閣上
賜詔書代宗立程元振忌宿將難制離構百計因罷子儀副元帥子儀懼乃盡哀肅宗以來所賜詔教
千餘篇上之因自明詔曰朕不
德不明貽大臣憂疑朕甚自愧樓上行朝見之禮子儀
陽入朝帝御安福門待之命子別創一閣以表殊勲昭
儀樓上行朝見之禮宴賜隆厚
末年中書奏西京舊自有凌煙閣圖畫功臣今遷都洛陽合議修建副元帥梁王勲庸冠世仍請凌煙閣之側
別創一閣以改諸道為天下哀帝天祐二年勅朕以國表殊勲從之
下為名爰自近年改為諸道既非舊制須在正
名宜追制改為天下兵馬元帥以朱金忠故也
玉冊金

印五代後唐同光中以錢鏐為天下兵馬都元帥尚父尚書令吳越國王賜王冊金印詔下有司詳議羣臣

咸言玉簡金字惟至尊一人所以別等威也錢鏐人臣不可而樞密承旨段回曲為鏐陳請於樞密使郭崇韜

崇韜便元帥尚父與使相名殊命詔曰朝廷每有將相恩俛從之元帥尚父與使相名殊命詔曰朝廷每有將相恩

後側書使字今兩浙節度錢鏐是元帥尚父與使相名殊承前列銜久未改正湖南節度使馬殷先兼中書令

之時理宜齒於相位今守太師尚書令是南省官不合列署勅尾今後每署將相勅牒宜落下錢鏐馬殷官銜

仍永為置府寮九國志元帥四年置元帥府寮屬賜金定式

印清泰二年詔授元璫馬吳越王天下恤隣錢弘佐元璫兵馬元帥賜金印元璫第五子

三年詔授東南兵馬都元帥李彌贊之求救也將皆不欲行弘佐因召文武官集議果言山水險惡不可興兵

弘佐變色曰脅亡齒寒古人之明戒吾爲天下元帥豈不能恤隣若有異議者斬衆皆懾伏乃遣將誓師辭令明肅果三十五年國朝錢徽爲有成功元帥三十五年

都統

唐職官志都統

乾元中始置或摠五道或摠三道上元末省大中後討徐州以康承訓討黃巢

以荆王鐸皆爲都統

唐百官志都統

天寶末置始有都統之名興元元年置副都統黃巢之亂署諸道行營都統

率諸鎮之師

唐上元元年以郭子儀爲兵馬都統令率諸鎮之師徑抵范陽詔下旬日爲朝恩所

間竟不行永泰元年以郭子儀都統河南節度使行營出鎮河中

節制徊翔之地幸梁

洋回初廢天威軍左右神策軍舉西漢謁者隨何下淮
南功拜爲中尉故事命神策監軍爲中尉又以功臣數
或有秩至司空僕射罷鎮入朝無官序相當乃置六軍
統軍秩視六尚書爲節制徊翔之地實文場爲中尉將
寵擅權謂中尉之重不可以統軍爲比且皆當麻制一
旦文場加官潛構宰相進內狀請付翰林准統軍例草
制及翰林進白麻學士鄭絪有密疏云此者封王命相
即降白麻付中書門下宣告近者聖意罷節除統軍亦
降麻制今中尉加官降白麻宣示中外未知出自權宜
爲後以此爲例上覽跼留中取白麻焚之翌日呂細謂
曰文場竊僭宰臣不能拒之幸卿有跼賜都統不除麻
朕方覺悟自此罷鎮除都統亦不降麻

上賜金一篋

太宗引尉遲敬德爲右率府統軍右僕射
屈哭通言敬德初歸國家情志未附請殺

之太宗曰寡人所見有異遽命釋之引入卧内賜與金
寶謂曰丈夫以意氣相期勿以疑介意寡人斷不聽諛

言以害忠良今以此物相資表一時共事之情也是日
因從獵於榆窠遇王世充領步騎數萬來戰世充驍將
軍雄信領騎直趨太宗敬德躍馬大呼橫刺雄信墜馬
敬德翼太宗以出賊圍太宗謂敬德功最居多比衆人
譴公必叛天誘我意獨保明之福善有徵賜黃金瓶秦叔
何相報之速也特賜金銀一篋恩賜曰隆賜黃金瓶叔
實事秦王府拜馬軍總管戰美良川破尉遲徵何功多
帝賜以黃金瓶勞曰卿不卹妻子而來歸我且又立功
使朕肉可食當割以啖爾況子女玉帛乎

監軍

東觀漢記光武使來歙監諸將

沈約宋書監軍蓋諸將出征大將監領之

斬莊賈

史記穰苴將兵扞燕晉之師苴曰臣素卑賤君擢之閭伍之中加之大夫之上願得君之寵臣

國之所尊以監軍景公使莊賈往苴與賈約日中會於軍門苴先驅至軍立表下漏賈素驕貴夕時乃至苴遂

斬賈以徇三軍白効矯詔之罪後漢宋均為監軍時將之士皆震懾服

士多病均懼衆疾疫矯詔迫降之諸將莫應均乃勒兵圍賊詐為詔而降之為置長吏而歸自効矯詔之罪帝

善遊軍魏志司馬文王征壽春仗忠素質直晉武帝起

刺史關威威忠素質直思謀權望太重唐蕭復為相嘗

用宦者監軍權望太重是曹正可委不得干軍要李德

官掖事兵要政機詎宜參領帝不聽相先是韓全義敗於蔡杜叔良敗於陳沓監軍宦人制其權將不得專進退詔書一日三四下宰相不與又詣

道銳兵慄士皆監軍取以自隨每督戰乘高建旗自表
小不勝輒卷旗去大兵隨以北由是王師所向多敗至
討回鶻澤潞德裕奏請詔書付宰相司乃下監軍不得干
軍要率軍百人取一以為衛自是號全分明一將乃有

功觀軍容使

魚朝恩

毀郭子儀

工同

養子六百人監道軍

楊復

恭並見內

不以公物為私禮

五代後唐張承業為太原監軍武皇屬以後事曰吾

兒孤弱羣庶縱橫後事公善籌之承業奉遺詔以立嗣
王平內艱策畧居多莊宗感其意兄事之親幸承業私
第時韓德妃伊淑妃諸宅王之貴介弟在晉陽宮或不
以其道承業悲不聽踰法禁者必懲由是貴戚斂手民
俗丕變或有中傷承業於莊宗者言專弄威柄廣納賂
遺莊宗歲時還晉陽宮省太后須錢蒲博給伶人嘗置
酒於象府莊宗酒酣命興聖宮使繼岌為冰業起舞承
業出寶幣焉奉之莊宗指錢積謂承業曰和哥無錢使

七哥與此一積寶馬非殊惠也承業謝曰郎君歌舞冰業自出已俸錢此錢是大王庫物准擬支贖三軍不敢以公物為私禮也

天奪孤之子布

張承業為太原監軍常從征討王師既退汴管大將周德

威慮其奔衝堅請退舍帝怒垂帳而寢諸將咸詣監軍請白承業遽至牙門褰帳而入撫帝曰此非安寢時周德威老將洞識兵勢姑務萬全言不可忽帝蹶然而興曰予方思之其夕遂收軍帝初獲玉璽諸將勸帝復唐正朔承業自太原急趨謁帝從容言曰云云今元兇未殄軍賊不克願大王受人推大凡舉事量力而行悠悠之談無益實事因泣下沾襟帝曰予非所願奈諸將何承業自是多病日加危篤卒於營凶問至帝悲慟連日輟食言曰天奪孤之子布也

招討使副使

唐職官志招討使貞元時置自後隨用兵權置兵罷則停

唐百官志節度兼度支營田招討經畧使則有副使判官各一人

兼魏博等四州

唐德宗初即位建中二年田悅國邢州次臨汾詔河東節度使馬燧與昭義節

度使李抱真神策將李晟合兵救臨汾悅兵大敗邢州國亦解以功加右僕射尋又加燧魏博招討使三年又敗悅於泇水詔加魏州大督都府長讓招討使名裴度史兼魏博等四州節度觀察招討使讓招討使名裴度西宣慰招討處置使詔出度以韓弘為淮西行營都統不欲更為招討請祇稱宣慰處置使從之

古無

中官為將帥

憲宗時以王承宗叛詔吐突承璫為招討使諫官伏閣上章者皆言自古無以中官

為將帥者白居

來嚼鐵

來璫為潁川郡太守充招討使易亦面論之

滿宗以璫武畧尤加委任遣兼

御史大夫北汝河洛屢挫賊鋒來

平蜀被誅

五代

皆為璫所敗賊等懼之號為來嚼鐵客省使李巖西川回言王行可圖之狀莊宗與郭崇韜謀討伐之計時明宗為指道兵馬總管當行崇韜自以官者相傾欲立大功以制之乃奏曰魏王繼岌德望日崇大功未著宜依故事以親王為元帥莊宗曰小兒幼稚安能獨行卿當擇其副崇韜未奏莊宗曰無踰於卿乃以繼岌為都統崇韜為招討使率親軍六萬進討西川籌畫皆出崇韜繼岌承命而已莊宗令內官李崇襲等為都統府紀綱見崇韜幕府繁重將吏輻湊降人爭先遺賂其都統府牙門索然大以為耻及成都降崇韜居正王行之第宗弼遣王行妓妾珍玩以奉崇韜永為

蜀帥內官等謂繼岌曰郭公收蜀部人情意甚難測上
宜自備由是兩相猜察莊宗聞破蜀乃遣向延嗣賫詔
入蜀促班師詔使至崇韜不郊迎李崇襲從而譖之延
嗣使還具奏皇后告莊宗乞保繼岌莊宗復閱蜀簿曰
人言蜀中珠玉金銀不知其數何如是之微也延嗣奏
曰臣得西川人言蜀中寶貨名馬金銀犀玉玉行愛妓
盡入崇韜之門魏王府蜀人賂遺不過匹馬而已莊宗
初聞崇韜欲留蜀心已不平又聞全有蜀之妓樂珍玩
即令中官馬彥珪馳入蜀視崇韜去就如班師即已如
遲留則令繼岌圖之彥珪見皇后曰禍機之發間不容
髮何能數千里外復稟聖旨哉皇后乃自為教與繼岌
謀殺崇韜時蜀土初平山林多盜馬彥珪未至崇韜令
任圜等分道招致歸期稍緩正月六日馬彥珪至大軍
決於十二日發成都彥珪如皇后教以示繼岌繼岌曰
大將軍發他無繫端安得為此負心事公輩勿復言崇
襲等巧作事端以問之繼岌既無英斷便從之乃以

趙岌命召崇輅計事。岌登樓避之。崇輅入左右，遂殺之。崇輅服勤盡節，佐佑王家，草昧經創，論功無與。比西平巴蜀，復振皇威，身死之日，以無功求解邊事。國朝夏夷夏寬之，崇輅有五子，並誅。

寧軍節度使知永興，又移涇州。經畧邊事，疎上言乞加兵臺諫，官言疎怯於戰。若萬一失利，則以少為解。疎上言乞解都招討石介著文一篇，名責臣疎。觀介文大恨之，尋移永興。時遣翰林學士王堯臣等充陝西體量安撫。

疎與堯臣詩曰：兩朝西掖舊詞臣，蘼苦冰寒四十春。白雪滿頭塵滿面，自慙重見玉堂人。時疎議添兵臺官言疎之意，若出而敗，必以兵少為解。及言疎姦詐，不可任以大事。疎人以詩寄呂丞相曰：黃閣有賢圖國討，皂囊無黨害邊功。河源飲馬非難事，一點胡塵在目中。其後竟以無功懇求解邊事，移知河中府。專以范仲淹、韓琦、經畧西事詔龍圖公為長城。范仲淹知慶州，兼經畧招討使，未幾賊兵三萬叩城。

仲淹麾兵血戰賊奔北遂戒諸將無追奔既而果有伏兵又奪馬為大順城及築細腰胡蘆等寨招明珠滅賊二強族萬餘人及命環州种世衡招千餘人帳自是屬羌皆用父之王師再喪於定川仲淹晝夜領兵為援初闕輔人心動搖及見仲淹耀兵號令嚴明威震戎落人心遂安第相賀曰邊上自有龍圖公為長城吾屬何憂

慕郭代公功業

慶厯三年以鄭戡代仲淹為四路都招討置府於涇嘗慨然慕郭代公功業元

昊擁衆臨黑山戡勦兵巡邊抵鎮戎趨蓮花堡置酒高會旗幟絡野銳鼓喧天虜衆十萬相顧不敢動元昊謂其下曰我已遣使稱臣朝廷何為復用此公其畏如此

經畧使副使判官

唐百官志

見招討使門

五代不常置

國朝自寶元以來陝西緣邊大將皆兼經畧使名康定元年以經畧司止有判官三員乞令兼叅詳都總管軍士從之

輕財愛士

唐劉雍為隴右經畧使輕財愛士得人之使力

詣關議攻守之策

國朝尹洙

知名元昊元昊反夏竦為經畧招討洙為經畧判官上意必欲誅元昊詔遣近臣督戰令宰相韓琦為招討副使與洙詣關議攻守之策上詔曰用攻策洙恐葛懷敏寡謀而輕賊自請叅其行營事未報聞賊寇涇源洙移文慶州率步軍劉平將兵赴鎮戎軍以援之或白元帥洙曰失火家豈暇白大人而後救疎奏洙擅舉兵移濠川通判

宣撫使副使判官

唐元和十四年誅李師道淄青兗鄆等十二州平詔戶

部侍郎楊於陵以本官充淄青等州宣撫使

國朝咸平三年詔兵部侍郎參知政事向敏中充河北東路緣邊宣撫大使樞密直學士馮拯陳堯叟充副大使按巡郡國存問官吏將校僧道耆老百姓等真宗御長春殿置宴以遣之熙寧三年參知政事韓絳充陝西路宣撫使以直舍人院呂大防為宣撫判官館閣校勘李清臣掌機宜文字續命絳兼河東路絳就拜相乞淮南發運使薛向為副使上以宰相充使則大防為知制

詰何為待制可並充判官

安撫使副使

都監管勾官

唐貞觀初遣大使十三人巡省天下諸州水旱則有巡察安撫存撫之名節度使兼之則有副使天授二年廢十道存撫使

國朝凡諸路災傷或邊境用師皆特遣使安撫事已則罷其河北河東別置司景德三年置河北緣邊安撫使以雄州知州充又有副使以諸司副使以上充不常置

都監以閤門祇候以上充並北掌邊戎及交聘之事副
使都監迭巡所部慶厯六年置湖南安撫使八年置河
北四路安撫使大中祥符元年置河東安撫使管勾官
二人一以代州知州充一以閤門祇候以上充熙寧五年
罷諸路經畧安撫使勾當公事

觀省風俗尤難其人

國朝咸平三年以翰林學士王欽若為西川安撫使國子博士袁及

甫副之閤門祇候李成象同勾當安撫事知制誥梁顥為陝西路安撫使秘書丞李易直副之所至錄聞繫因
真宗復諭欽若曰觀省風俗尤難其人數日思馳騎而
之無易卿等各宜宣布德澤使知朕勤恤之意

往

四年以兵部尚書張齊賢充涇源儀滑汾寧環慶鄜
延州保安鎮戍清遠軍安撫經畧使知制誥梁顥副

之帝以邊將玩寇湖方懼道艱阻故命齊賢等使焉即
命發日馳騎而往仍命軍徵南院使周瑩祖於瓊林苑

取死囚斬河上

景德中丁謂充鄆濟濮安撫使時契丹
稍南民奔楊劉坡舟人邀利不時濟人

謂取死囚斬於河上詭言取民
錢者舟人大恐旦夕不敢停濟

巡撫使副使

國朝淳化四年遣使於諸道巡撫及咸平三年江南兩
浙各遣巡撫使副使問民疾苦䟽理滯獄景德三年益
利梓夔福建等州各遣使巡撫自是以後因事則遣人

察訪使

國朝熙寧三年遣使察訪淮南兩浙常平及農田水利差役事其後諸路皆命官察訪焉

採訪使

巡察

唐神龍二年以五品以上二十人為十道巡察使按舉州縣再周而代景雲二年置都督二十四人察刺史以下善惡時以為權重難制罷唯存四大都督府又置十道按察使開元二年初置十道按察採訪處置使至四

年罷八年復置十道按察使秋冬巡視州縣十年又罷
十七年復置十道京師兩畿按察使二十年改曰採訪
使分十五道二十五年命諸道採訪使考課官吏善績
三年一奏永為常式天寶末又兼黜陟使乾元元年改
曰觀察處置使

國朝開寶五年遣常參官四人分詣諸處京東京西京
南京北路相度田土苗稼點檢採訪公事九年遣和峴
江南道採訪

恣為威虐

九國志吳越董昌中和二年平漢劉宏以功授越州節度加開封儀同三司同中書門下平章事封隴西郡王京師喪亂之後墳籍散落

僖宗常下詔購求遺書越州有裴氏家聚書數千卷昌

悉取之以獻乃授諸道採訪圖籍使既得志遽恣為威虐

勸農使

國朝至道二年以太常博士直史館陳靖為勸農使按
行陳頴蔡襄鄧唐汝等州勸民墾田以大理寺丞皇甫
選光祿寺丞何亮副之尋罷景德三年詔諸道轉運使
副使開封府知府及諸道知州刺史少卿監以上並兼
勸農使其餘知州知軍通判等並兼勸農事仍令今後

除授依此施行天禧四年正月改諸路提點刑獄為勸
農使副兼提點刑獄公事各賜農田敕一部四月利州
路轉運使李昉請雕印四時纂要齊民要術付諸路勸
農使十一月令勸農使兼提舉刑獄官自今以提點刑
獄勸農使副為稱天聖四年令逐路轉運司自今勸農
一司更不置司行遣取索文字

馳行天下

唐宇文融開元中為覆田勸農使乃奏慕容
琦等二十九人為勸農判官按州縣括正丘

畝招徠戶口而分業之又兼租地安輯戶口使於是諸
道收沒戶八十萬田亦稱是歲終羨錢數百萬緡帝悅

拜御史中丞然吏下希望融旨不能無擾初議者以生
事沮告百端而帝意向之宰相源乾耀等佐其舉公卿
雷同不敢異惟楊瑒以為籍外取稅百姓困弊生勾剝
左違融乃自請馳行天下事無巨細先上勸農使勾剝
財物融與楊慎矜父子以勾剝財
物爭行進奉而致恩堅顧

職官分紀卷四十六

欽定四庫全書

職官分紀卷四十七

宋 孫逢吉 撰

淮南浙江荆湖路都大發運使副使都監

國朝以朝官或以諸司使仍兼制置本路茶鹽礬稅初
淳化四年遣洛苑副使楊允恭內殿崇班朱冲同往江
南管勾運茶鹽糧帛又令太子中允王子與與允恭等
計度賣茶貨至道元年始命允恭西京作坊副使李廷

遂及子輿為江淮兩浙發運使兼制置茶鹽事始就淮南置局三年省咸平三年鹽鐵判官王子輿閤門祇候秦義復為制置淮南江浙茶鹽是年令兼制置礬稅仍領荆湖路三年以子輿兼充淮南轉運使四年又加都大發運使自後並以淮南轉運使領其務而無使名景德三年復置一人後有二人副使以諸司副使充景德三年置都監以閤門祇候以上充天禧二年置官崇者或為使秩輕者或為都監副使都監不常備置又有提

點鑄錢事景德中都大催綱一人以京朝官充後改爲
輦運司許汝石塘催綱二人以京朝官三班充御河催
綱一人以三班充提轄官二人以安利永靖二軍知軍
兼充分轄緣河州縣汴河至泗州催綱三人以三班或
內侍充皆分地而領之蔡河撥發一人以朝臣或三班
充又江淮兩浙荆湖皆以三班爲撥發諸州又有監裝
卸斛斛官一人或二人以京朝官三班幕職州縣官充
大中祥符四年復置廣濟河催綱朝臣是職舊命常參

官近歲省去止用使臣而州郡皆不承稟故復之九年
詔黃汴廣濟石塘河催綱巡河京朝官使臣自今每歲
許一次入奏三門白波發運判官每歲許二人更番入
奏慶厯四年省廣濟河催綱朝臣一員熙寧三年以蔡
河撥發堤岸斗門公事等今後並隸都大制置發運使
司提舉管轄

降勅書獎諭

國朝天聖三年廣濟河催綱太子中舍成
壁到任二年催運斛斗五十六萬二千六百

餘石比前界甚有
出制降勅書獎諭

諸路轉運使副使判官

前漢書秦欲攻匈奴使天下飛芻輓粟起於黃陞琅瑯至負海之郡轉輸北河率三十鍾而致一石

六斛四斗爲鍾漢

興高皇時漕山東之粟以給中都官歲不過數十萬石
孝武建元通西南夷道作者數萬人千里負擔饋糧率
十餘鍾致一石管子曰粟行三百里則國無一年之積
行四百里則國無三年之積粟行五百里則衆有饑色
唐開元二年河南少尹李傑充水陸轉運使轉運使自

此始也十八年拜宣州刺史裴耀卿爲江淮轉運使仍以鄭州刺史崔希逸河南少尹蕭旻爲之副轉運之有副使自此始也天寶二年陝郡太守韋堅加兼勾當緣河及江淮轉運使四載楊釗除殿中侍御史充水陸轉運使乾元元年第五琦除度支郎中充諸道轉運使貞元元年尚書右僕射韓滉充江淮轉運使永貞元年以司空平章事杜佑兼諸道轉運使諸道分置巡院皆統於使五代罷巡院始置轉運使

國朝初但曰勾當某路水陸計度轉運事官高者即曰某路計度轉運或曰同轉運使知某路轉運使又有同知者及勾當者知州亦有兼者太平興國初皆曰使兩省五品以上則為都轉運使又置副使判官又置同勾當轉運事俄罷諸路轉運副使止置使一員明年又置副使其後又置黃河御河轉運使尋省至道二年置諸路承受二人選朝官三班為之常事郎與轉運使副聯書奏報大事即許非時乘驛入奏後罷三年分天下為十

五路其後又增三路凡十八路其京東京西河北河東
陝西淮南兩浙各置使副使餘路不置副使大抵有二
員者或皆爲副或爲同轉運使兩省五品以上任者或
爲都轉運使又車駕巡幸則有行在轉運使王師征討
則有隨軍轉運使或增置官勾當轉運事皆不常置惟
京東京西河北河東陝西淮南兩浙有二員或爲使或
皆爲使或皆爲副使或置判官無定制皇祐中以曹陳
許壽滑五州爲京畿路置使尋罷天聖七年六月詔益

梓廣東西四路轉運司各置判官一員與使副連書行
遣位在同判之上知州依官位着綠者仍借緋三年一
替九月就差梓州同判殿中丞徐越充梓州路轉運判
官舊諸路提點刑獄朝臣使臣各一員近制以其生事
罷之又以西川四路廣南兩路道里遐濶慮其有所不
及乃於轉運司特設此職嘉祐六年詔其位在本路通
判及兵馬都監之上知州則以官叙之使副使判官掌
軍儲租稅計度及刺舉官吏之事凡十八路一曰京東

路

熙寧七年分東西路

二曰京西路

太平興國三年分京西轉運爲二司各置使一員後併焉

三曰河北路

太平興國初分河北南路雍熙中又分東西路後併焉

四曰河東路

五曰陝西路

太平興國分爲陝西路河北河東兩路各置使一員又有陝府西北路後皆併焉

六曰淮南路

太平興國初分淮南西路後併焉

七曰江南東路八曰江

南西路

太平興國初分爲江南東西後併焉一路置使副二員天禧四年分爲西路各置使

九曰荆

湖南路十曰荆湖北路十一曰兩浙路

太平興國中曰兩浙東北路後

改十二曰福建路

太平興國初爲兩浙西南置使副二員後改焉止置使一員十三曰

益州路

嘉祐四年改曰成都府路

十四曰梓州路十五曰利州路十

六曰夔州路

國初平劍南有西川但爲西川路其後分爲西川東路各置使副開寶六年又爲岷

路亦置使副咸平四年分爲益梓利夔四路各置使一員

十七曰廣南東路十八曰

廣南西路

廣桂邕密瓊州知州舊各兼本管轉運使皆統於廣南轉運司開寶四年嘗以知密州母

守素知邕州范旻通判桂州各知本管轉運事其後止瓊州兼焉

慶厯中諸路轉運有

判官一員後因其與轉運爭權而罷之嘉祐中張唐英

因事奏策乞復判官於是復置判官一員令馮亮兼掌

後別遣官大中祥符中屯田員外郎胡則自提點鑄錢爲

發運使自是副使悉兼之慶厯七年上命發運副使更不

置正使

運米六百七十九萬石

國朝大中祥符三年江泊發運李浦言今春運米六百七十九

萬石諸路各留三年支用江南留七十萬石外有上供五十萬石淮南三百六十萬石外有上供五十七萬

石所留以備賑糶兩浙有米五十萬石合上供外有九十一萬石以備淮南賑糶

八難慶厯中王禹淮

南江浙荆湖制置發運副使內侍楊永德奏請汾汴置鋪挽漕舟歲可損卒六萬鼎議以爲不可永德橫猾執

政乃重其奏令三司判官一員將永德就內議以發八難永德不能復因既言陛下幸用臣即不宜過聽小人

有所改更以誤國計於是永德得人久任上以江淮制言始不用居三年遂以爲使置發運使領

六路七十六州之大其調財用幣帛穀粟歲千百萬宜得其人久任之無慮軍國之用有虧朕屢見許元奏事甚

悉利害近累上章求替思之不若且委元使盡其才須優賞之可以激勵乃賜進士出身以為天章間待制上之委任人如此

勾當公事官

國朝嘉祐二年置江淮荆湖制置司勾當運監公事一員治平三年以國子博士傅永為淮南江浙荆湖發運勾當公事

三門白波黃河汴河水路發運使判官

國朝以朝官充太平興國五年命右贊善大夫姚沆為

陝府三門發運十月命太子中允劉順監三門發運務
景德二年太子中舍李渭充黃河三門發運使三門判
官白波判官各以朝官一人充使迭入奏事各置吏屬
催綱撥發輦運

國朝三門白波發運司有催促裝綱二人以京朝官三班充
河陰至陝州自京至汴口催綱各一人並以三班以上充

轉漕關中

漢與楚相守滎陽數年軍無糧蕭何轉漕關中給食不乏又高祖曰鎮國

家撫百姓給餉餽不絕糧道吾不如蕭何不絕糧道上計戶轉漕給

軍

漢王擊楚蕭何守關中計戶轉漕給軍

輦車驪駕

後漢光武南定河內時朱鮪據洛陽又并

州未安擇可守河內者鄧禹舉寇恂乃拜恂河內太守行大將軍光武謂恂曰河內完富吾將因是而起昔高

祖留蕭何鎮關中吾今委公以河內堅守轉運給足軍糧防遏他兵勿令北度光武於是北征恂收租四百萬

斛轉以給軍朱鮪聞光武北而河內孤遺蘇茂等將三萬餘人度鞏河攻溫破之檄至光武大喜時軍食急乏

恂以輦車驪駕轉輸前後不絕注云驪駕也駕車人挽行也

木牛流馬

蜀諸葛亮與魏相距亮圍

祁山以木牛運又亮悉大衆由斜谷出以流馬運亮長於巧思木牛流馬皆出其意

運米濟關中

劉晏為吏部尚書平章事領度支鹽鐵轉運租庸使罷相復為太子賓客領東都河南江淮山南等道轉運租

庸鹽鐵使時新承兵戈之後中外艱食京師米價斗至一千晏受命後以轉運為已任凡所經歷必究利病自

此每歲運米數

千

焦心苦形期報明主

劉晏與元載書曰見一水不通

萬石以濟關中思荷插而先往見一粒不運願負米而先趨

氣豪權重

焦心苦形期報明主晏以轉運為任如是
憲宗即位滿孟陽巡江淮省財賦仍知鹽鉄轉運副使
且察東南鎮之政理孟陽以氣豪權重領行從四百人
所歷鎮府但務遊賞與婦人為夜飲鹽鉄轉運院廣納
財賄捕吏職而已及歸大失人望憲宗每事求理嘗發
江淮宣慰使左司郎中鄭敬奉使辭上戒之曰朕宮中
用度一匹以上皆有簿籍惟賑恤貧民無所計筭卿經
明行修今登車傳命宜體吾懷勿學滿課入加倍盧弘
孟陽奉使所至但務酣飲遊山寺而已課入加倍盧弘
中初轉戶部侍郎充鹽鉄轉運使前是安邑解縣兩池
鹽法積弊課入不充弘正令判官司空與至池務檢察
特立新法仍奏與為兩池使三
年課入加倍其法至今賴之
專督運務
元瑒判度支
關輔早儉請

運江淮租米以給京師上以洗加江淮轉運使欲令專
督運務瑋以洗性剛愎難與集事乃條奏洗督運江南
來自揚子南北皆元瑋主之洗深怨於瑋遂寔宿怨
累誣奏瑋貶雷州司戶其責既重舉朝以為非罪

穿

廣運潭以通舟楫

韋堅與中貴人善探候主意見宇文
融楊慎矜父子以勾剌財物爭行進

奉而致思顧聖乃以轉運江淮租賦所在置吏督察以
禪國之倉庫歲益鉅萬玄宗以為能擢為陝府太守水
陸轉運使奏請於咸陽壅渭水作興城堰望春樓下穿
廣運潭以通舟楫樓下連橋彌亘數重觀者山積玄宗
歡悅下詔曰關輔之間尤資殷贍比來轉輸未免
艱辛故置此潭以通漕運萬代之利一朝而成

一朝

成萬代之利上長於治財賦

信宗即位時趙隱高瑒知
政事與崔彥昭同年薦彥

昭長於治財賦召為吏部
侍郎充諸道鹽鈔轉運使
不以功利永寵

裴耀卿拜黃
門侍郎同中

書門下平章事充轉運使凡三年運七百萬石省脚錢三十萬貫或說耀卿請進所省脚錢以明功利耀卿曰此益公家盈縮之利爾不可以永寵中剖析如流王播字乃奏光所司和雜等錢明年遷侍中剖析如流明歌充諸道轉運使雖案牘繁掌剗廉訪能否國朝開寶九年折如流黠吏詆欺無不彰敗廉訪能否詔諸道知州通判及臨事務官吏宜令諸路轉運司廉訪其能否第為三等歲終以聞以臨事簡慢所置無狀者為下恪居官次職務粗治者為中尤異有便宜從事范吳為淮南轉珠績者為上當行大誅賞焉便宜從事運使太祖謂曰卿家素貧凡所須並借用官錢悉以便宜從事不必一

計
自劾請罪

許仲宣為嶺南轉運使會征交州地炎熱瘴厲師卒不習其水土未戰死者十二三

雖得之不能守因抗疏極言其不可人恐論報稽緩即以便宜從事罷其軍分屯於諸郡開給出庫錢賞賜亡

卒自劾矯詔請罪改名知古淳化五年駕部郎中河北
嘉之降璽書褒諭

改名知古

東路轉運使錢若冰因召

見上問卿名出何典記對曰唐尚書右丞倪若冰亮直
臣慕之遂名馬上笑曰可改名知古上以方用武惡其

名類若兵也知古頓首奉詔倪若冰實不繫品位至道
名若水知古淺率引以對人皆笑之

不繫品位

元年

荆湖轉運使何仕宗上言執政大臣出領外郎申轉運
司公事只書通判以下姓名上謂宰相曰大臣品位雖
崇若出臨外藩即轉運使所部按要繫州府不繫
於品位也此朝廷典憲未可以輕改並仍舊貫平允

之吏寬猛適中

咸平元年上謂輔臣曰諸轉運使按察官
吏事權甚重非其人則州縣受弊近地猶

易為聽察遠方固難便聞太寬則弛慢太猛則
苛刻必須平允之吏寬猛適中卿等其慎擇之量否臧

以行賞罰

三年秘書監查道言朝廷命轉運使副請令
得皆先批書一任魯舉若干庶勤才識之士

曹奏若干貪刑罪之人勅川陝四路

四年以知益州右諫議大夫宋

廷量其否臧以行賞罰從之太初兼川陝四路都轉運使先是西蜀遼隔緩急應援不及故分為益梓利夔四路別置官屬至是以四路

漕輓各司其局難於均濟故有是命

察所部官吏為三等

景祐元年令諸路轉運使副察

所部官吏能否辨為三等公勤廉幹文武可取利益於國惠及於民者為上幹事而無治聲者為次畏懦而貪慢公不治敗狀未露濫聲賜方勝練鵲錦袍

河北河東陝西三路

轉運使賜方勝練鵲錦袍從河北轉運使劉定之請也

供調百萬億

李士衡為湖北轉運使真

宗幸澶州東封西祀供列郡有數年之積

李士衡拜樞密直學士知

益州復召為河北都轉運使謂曰河朔事重非卿不可既至調發得策列郡常有數年之積其餘以濟陝西之

饑吏不得為姦慶歷中王鼎遷尚書刑部郎中天章閣待制河北都轉運使科率稅賦事皆躬

親吏不得為姦郡縣官吏望風而肅何郊為河北都轉運使采

褐再任為轉運使李絢字公素景祐中及第授大理評事通判邠州召試授太子中允直集

賢院未幾除京西轉運使時呂文靖執政好擢用奇材謂曰朝廷之制未嘗有釋褐再任為轉運使者以學士

才器高爽故有此授宜副朝開營田以贍邊儲歐陽修

廷之意絢到任有澄清之志北之漕亦幸其不職而汙漫其才修至頗稱其職召范

仲淹飲後堂英宗時施昌言為轉運使時召范仲淹飲後堂出婢子俳優雜以丈夫無所言仲淹

恠問之則皆昌言家人也仲淹賜褰衣大帶侯陟建隆四年改淮

南轉運使賜

褒衣大帶

勾當管勾官

國朝熙寧三年七月詔三路轉運司奏舉京朝官知縣
資序二人充本司勾當其京東西淮南兩浙各許舉一
員八月詔川廣等路轉運司依京東等路於京朝官知
縣資序內各舉一員充管勾文字不得差出時轉運使
移就遠官之法故特置之

諸路提點刑獄

國朝以朝臣及閤門祇候以上充淳化三年遣官分往諸路提點刑獄事四年省景德四年諸路復置提點刑獄事四年省復以朝官充天禧四年加勸農使兼提點刑獄事俄改提點刑獄勸農使使臣為副使天聖六年悉罷八年復置大中祥符四年以資政殿大學士向敏中等磨勘提點刑獄朝官使臣課績文字第為三等帝以磨勘文字示王旦曰惟兩浙朝臣使臣有奏報雪活死罪者定為第二等餘皆有責罰或奏議不當並為第

三等仍無可升第一者須旌賞以為激勸其朝臣第三等者與近地知州使臣第二等者與知州軍第三等監兵並免遠任

嘉祐中又以武臣同提點刑獄多不得人遂罷之

至和元年置提點京畿州刑獄官二年罷

治平元年閏五月罷提點刑獄而以委轉運司

熙寧十年復置提點京畿刑獄官得與文臣與舉元數

分半

三虎

國朝慶厯初王鼎擢江東提點刑獄是時仁宗易置大臣欲有所為選擇諸路使者令按舉諸不法

鼎為轉運使楊紘為判官王緯在京東大摘發贓汙又稱嚴肅多所奏劾官吏怒之指以為三虎

熙河北刑獄摘發贓汙以舊御史為之

熙寧十年以館閣校勘丁執禮

權發遣河北西路提點刑獄上宣諭曰朕惟河朔地重慎選監司故以舊御史為之又曰卿職在刑獄盜賊最急宜用心督捕

提點府界諸縣鎮司

國朝以朝臣及閤門祗候以上各一人充景德二年置後罷武臣四年置提點公事一員

熙寧四年鄧考甫張景溫並為勾當公事

提舉常平倉農田水利差役

國朝熙寧二年量逐路錢物多少選官分詣提舉九年府界提舉倉專差官一員更不令司農寺丞兼領

勾當公事官

國朝熙寧二年於通判幕職官內選差一員不妨本職官諸路如管十縣以上軍州許差管勾官兩員

職官分紀卷四十七